



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt XX. Non solùm Ecclesiasticæ disciplinæ rationem, verùm etiam  
Catholicorum Principum munus huic libertati obsistere.

[urn:nbn:de:hbz:466:1-46059](#)

674 DE CHRISTIANA LIBERTATE  
ciā ab vnitate religionis atque à Dei domo se se-  
gregassent. Id quod Propheta cūm non custodisset, &  
contra Dei præceptum prandisset, statim diuinæ cen-  
suræ maiestatis percussus est, vt inde regrediens im-  
petu ac moratu leonis in itinere necaretur. Quo satis  
exemplō demonstratum est, & quanta sit Domini ad-  
uersus eos qui schisma faciunt, indignatio; & tam ab  
illis oportere Catholicos separari, vt cum eis nec ter-  
restrem, nec cœlestem potum debeant habere commu-  
nem. Hanc igitur disciplinam Ecclesia Christi ab ipsis  
Apostolorum temporibus exercuit. hac se usque mo-  
dò inuiolatam à noxiis erroribus conservauit. per hanc  
disciplinam, & quieta tranquilla que floruit, & perse-  
cutionibus agitata, suis fortiter hostibus repugnat.  
Ac reuera quid aut in pace tam aptum, aut in bellis  
persecutionis tam necessarium, quam debitam sene-  
ritatem diuini vigoris tenere? quam qui remiserit,  
instabili rerum cursu erret necesse est, & huc atque  
illuc variis & incertis negotiorum tempestatibus dis-  
sipetur, & quasi extorto de manibus consiliorum gu-  
bernaculo, nauem Ecclesiasticæ salutis illidat in sco-  
pulos; vt appareat non aliter Ecclesiasticæ saluti con-  
suli posse, nisi si qui contra ipsam faciunt, quasi quida  
aduersi fluctus repellantur, & disciplinæ ipsius sem-  
per custodita ratio, quasi salutare aliquod guberna-  
culum in tempestate seruetur.

## CAPVT XX.

Non solum Ecclesiasticæ disciplinæ rationem, verū etiam  
Catholicorum Principum munus huic libertati obsertere.

**N**E QVE tamen sola hæc est disciplina, quæ li-  
bertatem istam probari in Ecclesia & Regno  
Dei non sinit: cuius disciplinæ, gladio volebat Paulus  
abscindere eos qui Ecclesiam Dei, noui euangelij intro-  
ductione,

ductione, hoc est, veteris ac veri depravatione & euer-  
sione, conturbabant. de cuius item disciplinæ gladio  
beatus Augustinus loquens , dicit Pastoralis esse ne-  
cessitatis, separari ob ouibus sanis, morbidam, ne per  
plures dira serpent contagia : quia & ipsa, inquit, quæ  
Lib. de corrept.  
& gratia cap.  
damnatio nominatur, quam facit Episcopale iudicium  
(qua pœna in Ecclesia nulla maior est) potest, si Deus  
voluerit, in correctionem saluberrimam cedere atque  
proficere. Non huius ergo tantummodo ratio disci-  
plinæ, quæ Regni Dei propria est, perniciosa libertati:  
verum etiam Regum ac Principum & Magistratum  
Christianorum munus obseruit. Cuius ea ratio est , ut  
sicut in Christianè, si pro dignitate sui culminis ad-  
ministretur, debeat in primis Deo seruire atq. pietati.  
Cui enim magis hæc seruitura potestas est , quā in ei à  
quo est ordinata ? Cuius ad honorem illius admini-  
stratio citius potiusq. referetur, quām eius, per quem  
Reges regnant, & Legum conditores iusta decernunt?  
hoc esse illos Propheta facturos prædixerat his verbis:  
Et adorabunt eum omnes Reges terræ, & omnes gen-  
tes seruient illi. Ac bene præposuit adoratueros esse Re-  
ges, ut sequeretur, Omnes gētes seruituras. Nam cùm  
sit Regum permagna inter mortales auctoritas, ad  
eam subditi se multum inflectunt: atque id probare  
& sequi, quod illis pulchrum visum sit, consuescunt.  
Ea iudicij humani consuetudine gratia cælestis vfa  
est, ad gentium non paucarum conuersionem: quæ  
propterea Dominō seruire fidei inspiratione cōperūr,  
quia Reges suos Dominum adorare cōspicerent. Sed  
sicut exemplo Regum, gentes voluit Deus in verę pie-  
tatis saluberrimam venire seruiturem: ita etiam eo-  
rundem potestate iussit in accepta religione cōseruari,  
ut sic ei , à quo potestatem acceperant, non solum ut  
homines (quod commune est omnium) verū etiam  
peculiariter, ut Reges, in timore ac tremore seruirent.

Vt igitur, cùm in errore sunt, pro errore suo contra veritatem leges statuunt, per quas iusti & probentur, & coronentur, cùm id facere, quod illi contra pietatem iusserant, recusarint; quomodo iusserat Nabuchodonosor, vt aurea adoraretur statua, quam erexerat: quod quia noluerūt facere virti illi Dei cultores, quos lepius accensa fornax illustrauit, idcirco talia prohibentis Deo mirificè placuerunt: Ita planè, cùm veritatem tenent Reges, pro ipsa veritate contra errorem iubent, quod quisquis contempserit, ipse sibi ( inquit Augustinus) iudicium acquirit. nam & inter homines pœnas luit, & apud Deum sortem non habebit; quia facere noluerit, quod ei per cor Regis ipsa veritas suggesterat: sicut ipse Nabuchodonosor postea trium puerorum miraculo commotus atque mutatus, pro veritate aduersus errorem edictum proposuit, vt quicunque blasphemarent Deum Sidrach, Misach, & Abdenago, in infernum irent; domus que illorum in dispersione. Cùm igitur hæc quæ dicitur nunc petitui que religionis libertas, nihil aliud reuera sit, quàm errandi & blasphemádi cuique permissa licentia: sequitur, Reges & Magistratus multo studiosius huic ob sistere debere, cùm Catholicam tenent veritatem, quàm pro suo errore starent, si in eo ( quod absit ) versarentur. Nec verò propterea visibili Ecclesia, ad quam etiam errorum sectæ perinere putantur, facient iniuriam, quòd illas esse liberas non sinent: nisi forrè visibilem ecclesiam propterea quoque minuere & damno afficere existimandi sint, cùm latrones, homicidas, fures, incendiarios, proditores, seditionis, atque alios scelerum patatores, liberos esse in suis illis exercitiis minimè patiuntur. vbi cùm dixerint aliqui, neminem ea ratione pertinere ad Ecclesiam Christi, quia sit latro, aut seditus, aut alio quouis nomine sceleratus, eo quòd nemo talibus sceleribus prætexere audeat nomen Christi-

num,

## Epistola 66.

num, à quibus abhorret Christiana professio: tum eos interrogō, num ad Ecclesiam Christi pertinere quisquam possit, qua ratione hæreticus aut schismaticus? Non (inquis) sed quia Christianum se esse, & Christianam doctrinam tradere proficitur: suaq; dogmata, quamvis in eis errare conuincitur, verbi Dei, & scripturarum eloquiis, quæ propria Ecclesiæ sunt, communire conatur. At si professio nominis, & prætextus Scripturarum, generalem Ecclesiæ rationem cōstituit: quid vetat quo minūs & collegia dæmonum cōprehendat, quæ quotidie sub falsa Christi & lucis specie decipiunt Christianos? Non enim colluctatio nobis est aduersus carnem & sanguinem, sed aduersus spirituales nequitias, quæ in hoc aëre circumvolant. Ipse satan (inquit Paulus) transfiguratus in angelum lucis, & scripturarum locis productis, Christum diabolus circumuenire tentauit. Sed inuisibilis dixeris esse dæmones, & ideo ad visibilem Ecclesiam pertinere non posse. Faciemus ergo & ex dæmonibus inuisibiliem Ecclesiam, propter verbi Dei prætextum, & nominis Christiani professionem: ut sicut una est visibilis omnium hominum Christi nomen proficentium; secunda inuisibilis prædestinorum: ita sit tertia inuisibilis dæmonum reprobatorum. cur enim non tres potius numero perfectiore fecerimus? Quod si hīc tiderem magis videbor, quām refellere; & tamen tiden-  
tem dicere verum, quid vetat? quārō in quo præterea genere rerum, ipsius rei rationem sola professio constitutat? num grammaticus quisquam est aut musicus, quia id haberi velit? aut miles continuo, quia sit habitu militari? aut monachus, quia vestem monasticam induitus appareat? Est sanè illud iam vetus & verum verbum: Cuculla non facit monachum. quid autem, togo, plus est Christi nomen sine Christi fide, quām cuculla monachi sine monastica pietate? Iam si hoc

v 3

etiam

etiam attendant, non doctrinæ modò, verù etiam  
morum vitia, virtutes frequenter imitari, sibique ca-  
rū similitudinem arrogare: perspicient, credo, fal-  
sam doctrinam sub nomine Christiano compositam,

*Liber. 3. de vita  
controp. cap. 1.* tam absurdè vocari Christianam, quām absurdè via  
ipsa dicantur esse virtutes. Superbus enim, inquit  
Prosper, vult se credi constantem; prodigus, liberalis;  
avarus, diligentem; temerarius, fortē; inhumanus,  
parcū; gulōsus, humanum; ignavus, quietum; timi-  
dus, cautum; impudentia fiducia sibi nomen assumit;  
procacitas appellationem libertatis ostēdit; eloquen-  
tiam singit verbositas; & curiositatis malum, sub stu-  
dij spiritualis colore delitescit. Tot igitur vitiōrum for-  
mas fœdissimas, pulcherrimarum virtutum nomini-  
bus honestabimus, quod illa de harum similitudine  
glorientur? Nemo tam est excors, vt id faciēdum esse  
putauerit. Nam, quemadmodum ait idē ille Prosper,  
Similitudo virtutis, quæ videntur virtus esse, cūm vir-  
tus non sit, nihil est aliud quām mendacium: & ideo  
non est virtus dicenda, sed vitium. Hoc si Prospere-  
rissimè, multo profectò certius dixerimus, doctrinam  
hæreticam, quæ sibi Christianæ doctrinæ nomen &  
imitationem quandā assumit, non Christi doctrinam  
esse, sed mendacium appellari oportere. Doctrina ergo  
hæreticorum, si absurdè Christiana vocabitur, cūm  
si reuera mendacium, ecclesiæ hæreticorum, que ni-  
hil habent aliud quām fallacem Ecclesiæ Christi ima-  
ginem, Ecclesia Christi poterunt appellari nec appel-  
lari modò, sed ipsa etiam Christianæ Ecclesiæ defini-  
tione comprehendit. At in eo (inquis) tenent veritatem  
quod Christum confitentur esse. Sit hoc (inquam) in  
vt dicas, sed mentiuntur in eo, quod se Christianos  
esse, & profectam à Christo doctrinam tradere profi-  
tentur. Quare nunquam efficiet mendax ista profesio,  
vt ad Ecclesiam Christi, seu generalem, seu par-  
ticularē

cularem aliquam, fallaces hæretici pertinere dicendi sunt. Mendacij quippe ratione, Christi esse nemo potest; sed eo nomine quilibet ad societatem relegandas est diaboli, qui mendax est, & pater eius. tametsi nec difficile fuerit & latrones, & proditores, & sacrilegos, ex alioque ferè quolibet genere sceleratos homines repertire, qui se in eo quod nefariè faciunt, Christo & Ecclesiæ seruire iactitent; eo præsertim fixo prauitatis ingenitæ principio, quod sic quidam expressit:

*Nemo sue mentis motus non æstimat æquos:*

*Quodq[ue] volunt homines, se bene velle purant.*

*Propter libro  
Epigrammaton.*

Talibus ergo hominibus unus hic erit contra gladium boni Principis clypeus, si se in eo quod faciunt, profiteantur esse Christianos. Neque enim occidi tunc poterūt, ne qua in Ecclesiam Christi visibilem vis commissa esse videatur. Quid aliud ergo hæc nouæ doctrinæ commenta, quam omnis iustitiæ neruos resolvunt, etiam erga Reipublicæ perturbatores ac pestes? Eo quippe est ista hæresis execrabilior cæteris, quod non seipsam modò tueatur & ingerat in Ecclesiam, verum etiam cunctis aliis patrocinium præbeat, omnesque nitatur in Ecclesiam introducere, omnes fouere, augere, amplificare. hoc enim profectò fit, si nemo repugnet; sed gladio Principis recondito, sua debeat omnes libertate potiri. Verùm hoc ut sit in Ecclesia Christi, ratio definitioque Ecclesiæ Christianæ haud patitur: quæ fidelium est cœtus, in quo tāquam uno in corpore, unus spiritus & una fides esse debet, unaque spes vocationis. ut hoc in Republica malum impunè graffetur; nec cum Reipublicæ tranquillitate, pace, diuturnitate, nec cum disciplina & ordine Ecclesiæ, nec cum boni principis officio & gubernatione consistit. Non igitur erit introducendum, habet enim introductio veræ religionis iniuriam, corruptionem

680 DE CHRISTIANA LIBERTATE  
morum, deceptionem euersionemque simplicium,  
prophanationem sacrorum, quietis perturbationem,  
deformationem Reipublicæ, piorum luctum, & esula-  
tionem impiorum.

CAPVT. XXI.

Semel introductum noxiae libertatis malum, quānam  
ratione erit extirpandum.

**S**I N iam erit admissum, quānam ratione extir-  
pari possit, prouidendum est. vbi si Catholicis  
exercitiis potest aliquis esse locus, multum in primis  
valebit eruditorum doctrina Pastorum, & ea gratia  
quam Paulus requirit in Episcopo, vt sit potens ex-  
hortari in doctrina sana, & eos qui contradicunt, ar-  
guere. Quò accedat necesse est vita sanctimonia, &  
morum verè Christiana integritas, benignitas, pa-  
tientia, charitas; vt doctrinæ vita respondeat, & quod  
verbis dicitur ac suadetur, id confirmetur virtutum  
exemplis: & quod segniùs forsitan afficit illapsum  
per aures, idem sedula operatione, tāquam subiectum  
oculis, vehementius commoueat. Excelluerunt hæ-  
dotes in sancto Patre Norberto eiusque sociis, tum  
cūm Antuerpiensem ab erroribus & vitiis repurgan-  
dam acceperat ciuitatem. Nam cūm illic per id tem-  
pus (erat autem Bernardi aetas, à quo etiam ille hoc  
testimonio laudis ornatus est, vt scriberet: Habetis  
Epistola 8. ad  
Brunonem 60  
bonisem posse  
Archiepiscopū.  
Dominum Norbertum, quem melius præsentem  
præsens interrogare potestis. Nam tanto vir ille in  
diuinis aperiendis mysteriis nobis promptior est,  
quanto & Deo propior esse cognoscitur) Cūm inquā,  
ea tempestate pestiferum hoc libertatis genus Antuer-  
piæ grassaretur, & inter frigidos atque imperitos Ca-  
tholicos, facile sibi sedem reperisset Tanchelinus qui-  
dam, seductor ingenio versipellis, munificentia po-